

學子外傳

卷一
卷二
卷三
卷四
卷五
卷六
卷七
卷八
卷九
卷十

清季外交史料卷十三

光緒四年正月至七月

目錄

甘督左宗棠奏遵查塔爾巴哈臺中俄交涉情形摺

附清單正月二十六日

使德劉錫鴻奏抵德呈遞國書情形摺正月三十日

總署代奏郭嵩燾出使英國呈遞國書情形摺附函及照會二月十四日

甘督左宗棠等奏白逆彥虎等逃入俄境請交涉引渡摺二月十二日

總署奏與俄國交涉引渡逆回白彥虎情形摺

附照會二件二月二十二日

總署奏議覆左宗棠奏查辦伊犁俄人交涉各案摺二月二十二日

總署奏據使英郭嵩燾咨太古洋行躉船移泊情形片三月十七日

諭丁日昌據奏稱香港總督及巫來由王捐賑應否致謝一摺着查

覆具奏四月初六日

總署奏法使請行令朝鮮將被拿教士理若望釋放摺四月十五日

塔爾巴哈臺參贊錫綸奏密陳邊事並俄人尋釁情形摺

附上諭四月十九日

駐藏大臣松淮等奏辦理邊防聯絡哲孟雄廓爾喀部落摺

四月二十四日

諭禁止外人入內地放賑及販賣災民婦女四月二十四日

總署奏議覆丁寶楨奏派黃茂材赴印度游歷片五月初七日

總署奏俄日法使先後出京所有公務均派員署理片五月初七日

諭崇厚派充使俄大臣又諭作爲全權大臣便宜行事五月二十二日

使英郭嵩燾奏報兼使法國呈遞國書情形摺六月初三日

總署奏日本梗阻琉球入貢現與使臣何如璋相機籌辦摺六月初五日

日

塔爾巴哈臺參贊錫綸奏查結喇嘛庫倫欺凌俄國使臣一案摺附

上諭六月十一日

總署奏議覆劉錫鴻奏德國修約可成及時制治保邦摺七月十八日

諭派曾紀澤李鳳苞充出使英法德等國大臣四件七月二十七日

清季外交史料卷十三

黃巖弢夫王彥威輯

男希隱亮編

孫孝章敬立校

甘督左宗棠奏遵查塔爾巴哈臺中俄交涉情形摺

附

清單

陝甘總督左宗棠奏爲遵旨派員前赴瑪納斯塔爾巴哈臺查明中外交涉各案件竊臣於光緒三年六月十八日奉上諭總理衙門奏塔城訊辦俄屬哈薩克辦理未協請飭妥議一摺等因欽此遵卽檄委都統銜前布倫託海辦事大臣李雲麟候補直隸州知州劉祥滙前赴瑪

納斯塔爾巴哈臺一帶查勘當經奏明在案李雲麟等起程時臣並將疊次承准總理衙門緘飭查辦英廉於塔城收稅一案英廉封鎖俄商吐喀拉房奪取貨物銀錢一案俄商運送金順軍糧兩次被劫一案飭其查覆旋於七月十七日奉上諭總理衙門奏現議交收伊犁與邊界各案統歸左宗棠相機籌辦一摺所有邊界交涉各案着左宗棠確切查明妥籌辦理等因欽此當經恭錄密飭李雲麟欽遵查照十一月十七日據李雲麟劉祥匯呈報查勘事畢途次烏魯木齊先將奏查各件呈覆前來當經咨呈總理衙門查照並聲明俟李雲麟等回營面詢一切再行覆奏茲李雲麟途次感冒風寒沿途調治尙未入關劉祥匯已於正月初九日抵肅州行營臣面詢一切與前呈覆各情無異據將塔

城奎屯各鄉約原供親齎呈核前來除一併咨送總理衙門備核外臣維上年奏委李雲麟等往查各案時屬其但得各案情節訪詢的實凡有地址時日可考有數目可計證佐可憑者均逐一詳細稽查務得實在證據以資辯論不必預存成見逕下斷語蓋委查之件與承審不同若著論斷便與體制不合且慮因而失實致事理不得其平轉貽口實也茲據齎呈前來臣詳加覆核俄國使臣所據以與我爭辯者多出自俄商一面之詞疑端日積論端日增觸類引伸不勝究詰實在疆場之事彼此會商難免嘖有煩言本古今鄰邦交際常有之事毋足爲怪中外商人惟利是視只圖經營獲利遑顧大局攸關如果彼此駐界大小各員均知以息事爲懷以挑釁爲忌遇事准駁自有權衡則各商知以

安分經營爲正以恃強爭競爲非自無動輒瑣屑干瀆之事總理衙門對於邊疆之事亦可無庸過問矣茲既委查明確謹將實在情形分別條舉謹具清單恭呈御覽謹奏光緒四年正月二十六日

清單

謹將委員副都統銜李雲麟直隸州知州劉祥匯奉查各件按款陳覆繕單呈覽

一、奉查塔爾巴哈臺參贊大臣英廉拿獲行劫之哈薩克綽蘭一名正法一案

李雲麟劉祥匯於上年九月十六日抵塔城查得塔城地方情形惟額魯特十蘇木官兵最爲熟習當傳該旂總管孟可吉勒嘎爾及佐

領以下各官詢問綽蘭確係何時分歸俄國是否本係塔城所屬自投俄國民人據稱塔城所屬之哈薩克舊有三種其一阿吉公所部之哈薩克分十二柯磊素稱良善現經隨地分歸俄國者三柯磊半其八柯磊半現屬塔城其一黑宰哈薩克舊有中國所設頭領官年遠無考其一爲拜吉格特哈薩克卽綽坦汗所屬者此兩種人數衆多各以數萬計自哈城變亂時卽投俄國而同治十一年塔城分界後雖人與地俱歸俄國而此兩種人時常越境滋事其拜吉格特哈薩克曾勾結漢回攻陷塔城尤爲不法前經呼圖克圖棍噶札拉參帶兵勦辦稍爲斂迹近日恃俄國之庇復益猖獗正法綽蘭一名實係拜吉格特部內之人於同治三四年間塔城變亂時自投俄國者

也

一、奉查英廉收稅一案

查得英廉奏請試辦專收塔城貨物出境之稅係上年春間設辦起
二月至三月收過俄國所屬安集延纏頭等之稅計一月有餘約收
稅銀五十兩旋因奉總理衙門緘示停止未收劉祥匯於上年九月
二十二日在塔城會同俄國葦塘子帶隊官馬義爾沙南吉乃克訊
據俄商安集延纏頭鄉約阿興拜供稱英廉收稅自二月起三月止
約一個月後又收過安集延除所收稅銀六兩以後再未收過詢之
俄官亦云大約所收稅銀不過數十兩劉祥匯遂令沙南吉乃克書
俄字年月花押於其後俄官亦將所錄俄字供詞付劉祥匯書漢字

年月於後各執爲憑復向阿興拜索取塔城收稅票據謹據該鄉約
繳呈路票一張稅票四張共銀六兩

一奉查英廉封鎖俄商吐喀拉房屋奪取貨物銀錢一案

劉祥滙會同俄官馬義爾沙南吉乃克訊據阿興拜供稱吐喀拉於
同治十三年在塔城做了六個月生意賣出貨物數目不得知道剩
下貨物是不要緊的吐喀拉自往俄國留了使喚人夾合普看守並
收賬項英廉封鎖鋪面時候我們未見將貨物丟棄街上亦未見奪
取貨物銀錢等語其供詞均於尾上互相畫押劉祥滙並會同俄官
將所封鋪面開驗存貨僅有鱗四十塊破鹿角十五副木貨架二箇
餘無別物

奉查俄商於光緒二年九月底運送金順糧米內有二幫被搶一在附近石河子一在附近瑪納斯其時押運糧米之人或有被戕或有被傷所有馬匹盡被驅去並指爲榮全部下所刦一案

此案前於上年三月二十八日並接准俄國圖爾齊斯坦等省總營公文內開俄商庫毗斯喀敏額斯克依在金順處寫立合同運送軍糧一起麪車一百五十輛由伊犁行過西湖二三臺地方遇賊頭目人託哈木拜被殺隨行人衆被傷馬匹物件全行掠去一起馱麪馬八十五匹由宰桑卡倫行過瑪納斯路經破城遇賊頭目人庫三阿里依被殺隨行三人被傷馬匹全行掠去又麵二十五口袋亦被搶去微聞係榮全隨行步隊自瑪納斯旋回時行刦等情李雲麟劉祥

匯往返經過瑪納斯查得破城子在瑪納斯城東四十里榮全駐營在瑪納斯之西旋回塔城並不由破城子經過所部俱是滿兵馬隊並無步隊茲稱路過破城遇賊或是俄商運糧赴昌吉時事惟金順所收俄糧並未過瑪納斯一步且金順九月中旬始與康密斯克書立合同可證所稱九月底兩幫糧運被劫不知從何說起且查俄國駐京公使向總署所稱係一在附近石河一在附近瑪納斯而俄國圖爾齊斯坦總管來文又稱一在西湖二三臺一在破城所指地方地名互舛惟查光緒二年九月二十八日白彥虎余小虎零賊由南山竄至三道河子殺斃俄人一名受傷一名搶去馬八九十匹當經防營派隊奪回馬九匹於次日交給該俄商領去十月初六七日署

庫爾喀喇烏蘇營遊擊劉春元同吉林馬隊統領依楞額帶隊搜山
獲馬四匹爲鐵腳絆絆住知爲賊人所失當傳奎屯纏頭鄉約莽索
爾並通事又努斯阿洪轉交俄商收領訖李雲麟劉祥匯抵奎屯時
復傳訊莽索爾又努斯阿洪據供前情不諱並取有回字供辭此外
並未聞有俄人被劫情事而三道河子在瑪納斯城西一百二十里
其瑪納斯城西並無劫殺俄商之案上年秋間瑪納斯一帶營頭甚
多有無購買纏頭安集延糧麪不得而知茲稱俄商被劫或稱私行
貿易所致無從查悉然斷非承運金順之糧也
再李雲麟等抵塔城時並查得塔城舊有貿易圈一所因亂平毀上
年俄商並不候參贊請總署示指定地基輒擅蓋洋房七十餘所縱

橫約計數里

又查得塔爾巴哈臺山東西橫亘數百里山陽之地係屬塔城山陰之地分歸俄國現在拜吉格特哈薩克二帳房牲畜則布滿山陽地方

又查得黑宰哈薩克自分歸俄國後移住伊犁之博勒特羅地方現在時常侵入塔城之南境之載利山並巴爾魯克山中居住與拜吉格特部衆勾結而俄境之安集延纏頭等衆亦皆任意出入鮮有持三連票者

使德劉錫鴻奏抵德呈遞國書情形摺

出使德國大臣劉錫鴻奏爲行抵德都呈遞國書情形事竊臣於十月